

Tólf bú tilnefnd sem ræktunarbú ársins 2023

Fagræð í hrossarækt hefur valið þau hrossaræktarbú sem tilnefnd eru til árlegrar heiðursviðurkenningar Bændasamtaka Íslands, ræktunarbú ársins.



Elsa Albertsdóttir.

Valið stóð á milli 31 bú sem náð höfðu athyglisverðum árangri á árinu. Tilnefnd eru 12 efstu bú ársins að loknum útreikningi. Reglur fagræðs um ræktunarbú ársins eru eftirfarandi:

Afmörkun á vali ræktunar búa miðast þannig við að fyrst eru tilgreind öll hrossaræktarbú sem sýnt hafa fjögur eða fleiri hross í fullnaðardómi á árinu. Að auki verða minnst tvö að hafa náð aðaleinkunn 8,00 eða hærra. Þá eru einkunnir leiðréttar eftir aldri og kyni líkt og gert er við kynbótamatsútreikninga. Þetta gerir allar einkunnir samanburðarhæfar áður en búunum er svo raðað upp eftir leiðréttum einkunnum og fjölda sýndra hrossa.

Búin sem komast í pottinn verða að ná fjórum hrossum að lágmarki með 8,00 í aðaleinkunn eftir leiðréttingu sem er þá önnur sía á gögnin. Meðaleinkunn er svo reiknuð miðað við leiðréttar aðaleinkunnir en þar er eingöngu horft til hrossa sem ná 8,00 í aðaleinkunn, enn fremur miðast fjöldi sýndra hrossa frá hverju bú við þau hross.

Þá reiknast afkvæmaverðlaunahross (stóðhestar og hryssur) til stiga fyrir sína ræktendur samkvæmt föstum reglum þar um.

Að lágmarki einn ræktandi sem stendur að hverju ræktunarbú þarf að vera fullgildur félagi í BÍ og er þá miðað við félagatal 1. maí ár hvert. Ekki er gerður greinarmunur á að ræktandi sé persóna eða skráð kennitala fyrirtækis.

Tilnefnd bú munu hljóta viðurkenningu á ráðstefnunni Hrossarækt 2023 sem haldin verður í Fákí sunnudaginn 3. desember næstkomandi og byrjar kl. 13.00. Ræktunarbú ársins verður verðlaunað á þeim viðburði.

Tilnefnd bú eru eftirfarandi í stafrófsröð

- **Árbær**, Vigdís Þórarinsdóttir, Maríanna Gunnarsdóttir, Guðmundur Bæringsson og fjölskyldur
- **Efri-Fitjar**, Gréta Brimrún Karlsdóttir, Gunnar Þorgeirsson, Tryggvi Björnsson og fjölskylda
- **Fákshólar**, Helga Una Björnsdóttir og Jakob Svavar Sigurðsson
- **Fet**, Hrossaræktarbúið Fet
- **Haukagil á Hvítársíðu**, Ágúst Þór Jónsson og Þóra Áslaug Magnúsdóttir
- **Ketilsstaðir/Syðri-Gegnishólar**, Bergur Jónsson og Oilil Amble
- **Lækjamót**, Sonja Líndal Þórisdóttir, Friðrik Már Sigurðsson, Ísólfr Líndal Þórisson, Vigdís Gunnarsdóttir, Guðmar Hólm Ísólfrsson



Gísli Gíslason á þúfum tekur við verðlaunum á Landsmóti hestamanna 2022.

Mynd / ghp

- **Líndal**, Þórir Ísólfrsson og Elín Rannveig Líndal
- **Prestsbær**, Inga og Ingar Jensen
- **Skipaskagi**, Jón Arnason og Sigurveig Stefánsdóttir
- **Steinnes**, Magnús Jósefsson, Líney Árnadóttir, Jón Árni Magnússon og Berglind Bjarnadóttir
- **Sumarliðabær**, Birgir Már Ragnarsson og Silja Hrund Júlíusdóttir

- **Þúfur**, Gísli Gíslason og Mette Mannseth

Vert er að benda á að mörg þessara búa voru einnig með afkvæmahross á árinu sem taldi til hækkunar meðaltals aðaleinkunnar og fjölda sýndra hrossa.

Elsa Albertsdóttir
hrossaræktaráðunautur.

Hryssur sem hljóta heiðursverðlaun fyrir afkvæmi árið 2023



Heiðursverðlaunahryssan Verona frá Árbæ í sumar ásamt folaldinu Dimmalimm.

Mynd / Maríanna Gunnarsdóttir



Þráinn frá Flagbjarnaholti ásamt Þórnari Eymundssyni og eiginum Þráins, Yvonne og Jaap Groven, á Landsmóti 2018.

Mynd / ghp

Í ár eru það ellefu hryssur sem hljóta viðurkenningu fyrir afkvæmi. Viðmið heiðursverðlauna hryssna er að þær hafi að lágmarki 116 stig í aðaleinkunnum kynbótamats og eiga að minnsta kosti 5 dæmd afkvæmi. Röðun hryssna er samkvæmt aðaleinkunnum kynbótamats en í ár eru það þrjár hryssur sem hljóta viðurkenningu byggt á kynbótamati aðaleinkunnar án skeiðs. Efsta hryssan og Glettubikarhaffinn er Verona frá Árbæ með 126 stig í kynbótamati aðaleinkunnar og 5 dæmd afkvæmi. Frekari upplýsingar má sjá í meðfylgjandi töflu.

Þá náði Þráinn frá Flagbjarnarholti fyrstu verðlaunum fyrir afkvæmi. Hann er með 133 stig í kynbótamati aðaleinkunnar með 91% öryggi og 16 dæmd afkvæmi með meðaltalsaldur 4,8 ár.

Nafn og uppruni	Aldur	Kynbótamat aðaleinkunnar	Kynbótamat aðaleinkunnar án skeiðs	Öryggi	Kynbótamat fyrir mætingu til dóms	Fjöldi skráðra afkv. með fullnaðardóm	Fjöldi afkvæma	Hlutfall dætra með dóm (%)
Verona frá Árbæ	19	126	119	87%	122	12	5	75%
Staka frá Stuðlum	18	124	116	87%	121	10	5	67%
Oktavía frá Feti	17	121	123	86%	125	10	5	100%
Skíma frá Kvistum	15	121	123	86%	123	9	5	100%
Gifting frá Hofi I	17	118	112	87%	117	11	5	80%
Alfa frá Blesastöðum 1A	19	117	119	87%	119	10	5	100%
Gróska frá Dallandi	17	116	117	87%	119	9	5	0%
Vissa frá Holtsmúla 1	23	116	113	87%	122	16	5	80%
Ólafía frá Lækjamóti	15	114	121	87%	121	9	5	100%
Gerpla frá Hólabaki	21	113	118	86%	116	14	5	71%
Katla frá Steinnesi	21	113	118	87%	113	16	5	50%